```
228 Ein wazzer iesch der junge man.
     er twuoc den râm von im sân
     undern ougen unt an handen.
                                                              unde an den (unde von Fr54 vnd von den U unde abe den *T) h. *G (ohne G) (*T)
     alt unt junge wânden,
5 daz von im ander tag erschin.
                                                              daz der a. tac von im schine (erschin Fr54). *T (Fr54) · im ein a. *G (ohne Z)
     sus saz der minneclîche win
                                                              dô saz *G (ohne LFr54)
     gar vor allem tadel vrî.
                                                              gar vor a. zâdel (wandel V) vrî. *T
     mit pfelle von Arabi
                                                              mit om. *T (nur T)
     man truog im einen mantel dar.
                                                              \downarrow *G *T
 10 den legt an sich der wol gevar
     mit offener snüere.
     ez was im ein lobes gevüere.
                                                              daz was (was im *T [O] Z [Fr21]) ein (om. L U V) *G (*T)
     Dô sprach der kamerære kluoc:
     »Repanse de schoye in truoc,
                                                              »Urrepanse de schoye in (vrrepanschoye in G disen mandes selbe I) tr., *G
 15 mîn vrouwe, diu künegîn.
     ab ir sol er iu gelihen sîn,
     wan iu ist niht kleider noch gesniten.
                                                              ↓*G *T
     Jâ mohte ich sis mit êren biten,
                                                              ↓*G *T
     wande ir sît ein werder man,
                                                              ir dunket mich ein w. man, *T · sît ouch ein (an I) *G
20 ob ichz geprüevet rehte hân.«
                                                              ob ichz r. brüeven (geprüeven rehte *T) kan.« *G (ohne OZFr21) (*T) (L)
     »Got lôn iu, hêrre, daz irs jeht.
                                                              ↓*G *T
     ob ir mich ze rehte speht,
                                                              r. sp.« *T
     sô hật mîn lîp gelücke erholt.
                                                              Die Verse 228.23-24 fehlen *T (nur T)
     diu gotes kraft gît sölhen solt.«
25 Man schancte im unt pflac sîn sô,
     die trûrigen wâren mit im al vrô.
                                                              al om. *G *T
     man bôt im wirde unt êre,
                                                              si buten im *T
     wan dâ was râtes mêre,
     denne er ze Pelrapeire vant,
    die dô von kumber schiet sîn hant.
                                                              dô om. *T
```

*D: D *m: m Fr69 (228.1, 3-6 und 25-28) *G: G (228.1-16 und 25-26) I O L Z Fr21 Fr54 (228.1-13) *T: T (ohne 228.23-24) U V

1 Initiale D m Fr69 L Z Fr54 T U 13 Initiale I · Majuskel D T 18 Majuskel D T 25 Initiale m Fr69 I O Fr21 T U V · Majuskel D